



संचार विभाग, केन्द्रीय कार्यालय, एस.बी.एस.मार्ग, मुंबई-400001

DEPARTMENT OF COMMUNICATION, Central Office, S.B.S. Marg, Mumbai 400001
फोन/Phone: 91 22 2266 0502 फैक्स/Fax: 91 22 22703279

प्रेस प्रकाशनी PRESS RELEASE



भारतीय रिजर्व बैंक
RESERVE BANK OF INDIA

वेबसाइट : www.rbi.org.in/hindi Website :

www.rbi.org.in

ई-मेल email: helpdoc@rbi.org.in

Naitung 30, 2009

Husiar na ki Jingtyrwa kiba Kai/ ki Jingjop Lottery/ ki Jingtyrwa Pisa ba Tat, ong ka RBI

Sa shisien, ka Reserve Bank jong ka India ka la pynbna biang mynta ba katkum ka Foreign Exchange Management Act, 1999, la khang pyrshah ban siew pisa ha kano kano ka rukom khnang ban shim bynta ha ki lottery skhim (scheme). Shuh shuh, kine ki jingkhong pyrshah ki long ruh ia ka jingsiew pisa ban shim bynta ha ki skhim kiba long kum ki lottery, kiba wan ha ki kyrteng bapher bapher, kum ka money circulation scheme ne ka jingsiew pisa na ka bynta ban jop pisa ne award ne kiwei kiwei. Ka Reserve Bank ka la pynshai ruh ba kan ym pynneh ia ka account ha ka kyrteng jong ki riew shimet ne ki kompani ne ki trust ha India kiba buh pisa khnang ban siew ne sam sha kiwei, lymne kam shah ia ki riew shimet ban plie account khnang ban deposit ne buh pisa bad ka Reserve Bank. Kam ju ai ruh ia kano kano ka certificate ne ki jingai jingmut ne ki jingpynthikna, kiban long kum ki receipt ba ki don pisa ha kine ki account.

Ka Reserve Bank ka la maham ia ki paidbah ban ym siew ne thep pisa ha kum kine ki account kum kaban sngap ne pdiang ia kita ki jingtyrwa kiba thok ne ki jingpynithuh kiba kai. Ki paidbah ki lah ban pyntip wut wut sha ki pulit lada don kum kita ki jingtyrwa khnang ban dup kem ia kum kita kiba thok.

Ka Reserve Bank ka la maham kumta namar ka la lap ba shen bun ngut ki bried ki la ngop ha kum kita ki jingtyrwa kiba thok bad ki duh pisa ei ilade.

Ka Reserve Bank jong ka India ka la ju maham bunsien mynshuwa ruh ia ki paidbah ba kin ym ngop ha kum kita ki jingtyrwa kiba thok ne ki jingjop lottery ne ka jingsiew pisa na ka bynta ban ioh pisa ha ka dor kaba kham heh lyngba ka foreign currency kaba nabar ri, kaba long lyngba ki seng shabar ri ne ki riew shimet kaba kynthup ruh ia ki nongshong shnong ka India kiba ak kum ba ki dei kita seng ne ki bried kiba nabar ri. Bunsien, la phah ia kine ki jingtyrwa lyngba ki shithi, ki e-mail, ka phone ne ki SMS, ne da kiwei kiwei ki rukom ruh.

Ka Reserve Bank jong ka India ka la ong ruh ba nalar ki buit bad ki rukom leh jong ki ha ka por mynshuwa, kito kiba thok mynta ki la pyndonkam sa kawei ka rukom, kata ka long da kaba pynmih ia ki certificate, ki shithi, ki kot bad kiwei kiwei, kiba don ia ka letterhead kaba long kum jong ka Reserve Bank jong ka India ryngkat bad ka saiñ (signature) jong kiba heh ban pynlong ia ka kum kaba ka ikop shisha. Kito kiba thok ki pynlong ruh ia ki bried ban ngeit da kaba pynbud ia ki ophisar baheh jong ka Reserve Bank lyngba ki phone nombor bad / ne ki e-mail ID kiba kai. Bun ki nongthok ki la plie account ruh ha India bad ong pat ia ki bried ban thep pisa ha kita ki account na ka bynta ki bai aïu aïu, ki khajna, bad kiwei kiwei. Shisien ba la rung ka pisa ha ka account jong ki, kita kiba shukor ki sei noh wut ia ka pisa bad nangta ki jah noh. Bad ki riew paidbah pat ki duh ei noh ia la ka pisa ba ki la dep siew.

Ka Reserve Bank ka la kyntu ia ki paidbah ban pule ki jingthoh ha ka website jong ka Reserve Bank (www.rbi.org.in) ban tip shuh shuh.

Alpana Killawala

Chief General Manager

Press Release : 2009-2010/168

Related Press Release/ Ki Jingpynbna	
Jymmang 28, 2010	Wat Nym Ngop ha ki Jingtyrwa kiba Kai ban Transfer Pisa: Kyntu ka RBI
Jymmang 26, 2010	Ka Jingsiew Pisa ban shim bynta ha ki lottery, ki money circulation scheme, ki jingtyrwa kiba thok ban ioh pisa, bad kiwei kiwei de
Nohprah 07, 2007	Ka RBI ka maham ia ki Paidbah shaphang ka Jingsiew Pisa ban ioh Pisa biang ha ka dor kaba kham heh na shabar Ri